



ЗАМОНАВИЙ ТАҲДИДЛАРДАН ОГОҲ БЎЛИНГ:

СОХТА САЛАФИЙЛАР ХАТАРЛАРИ



Ҳозирги кунда инсонларни туғилиб-ўсган Ватанига хиёнат қилишга чақираётган, мусулмонлар ўртасида ихтилоф ва бўлиниш келтириб чиқараётган бузғунчи оқимлар жуда кўп. Ана шундай оқимлардан бири сохта салафийлардир.

“Салафийлик” ибораси араб тилидаги “салаф” сўзидан олинган бўлиб, “аждодлар”, “аввал яшаб ўтганлар” маъноларини билдиради. Уламолар Пайғамбар алайҳиссалом замонларида яшаган мусулмонларни “солиҳ аждодлар” дейишган. Улардан кейинги даврда яшаган мусулмонларга “салаф” ёки “салафийлар” тушунчаси ишлатилмайди.



СОХТА САЛАФИЙЛАРНИНГ ИЖТИМОЙ ХАВФ-ХАТАРЛАРИ ЖУДА КЎП БЎЛИБ, БУ ХАВФ-ХАТАРЛАР ҚУЙИДАГИЛАРДИР:

- ❗ Ёшларни турли ботил ғоялар билан ўз қармоғига илдириб, уларни ўз сафига қўшиб олиш;
- ❗ Ёшлар орасидаги фаолиятини хорижий мамлакатлардаги меҳнат мигрантларини таъсир доирасига олиш, интернет ва ижтимоий тар-

моқлар орқали тарғиботларини кучайтириш, оила аъзолари, яқинлари ва қўшниларини ўз гуруҳига тортиш, яширин “ҳужралар” ташкил этиш, диний-экстремистик мазмундаги материалларни босма, электрон кўринишда тарқатиш каби усулларда амалга оширмақда;

❗ Интернет орқали суҳбат олиб бориш жараёнида ёшларга куфр диёри, ҳижрат, жиҳод, шаҳидлик, халифаликни тиклаш каби нотўғри ғоялар сингдирилиб, Сурия каби уруш ўчоқларига жалб қилинмоқда;

❗ Сиёсий кучларнинг ноғорасига ўйнаётган сохта салафийлар томонидан ақидапараст, дийдаси қотган, мустақил фикрлашдан маҳрум, раҳнамоларининг ҳар қандай буйруқларини қонун деб билувчи зомби жангарилардан тинч минтақаларда ҳам турли низолар ва беқарорликларни келтириб чиқаряпти;



❗ Барча муаммоларнинг ечими сифатида алдовлар орқали жиҳод қилишни таклиф этишади. Бунинг учун “ҳижрат” қилиш лозимлиги уқтирилади. Билимсиз ва малакага эга бўлмаган ёшлар бундай даъватларга учиб, ақидапараст оқимларга мойил бўла бошлайдилар;

❗ Сохта салафийлар аъзоларининг одамларни куфрда айблаши, мўмин-мусулмонлар яшайдиган мамлакатларни куфр ҳудуди, деб эълон қилишлари оқибатида мусулмонлар ўртасида ихтилофлар келиб чиқяпти;

❗ Ўзларининг бузуқ таълимотлари ила қабрларни зиёрат қилган одам мусулмончиликдан чиқади деган эътиқодда ҳатто бир пайтлар Мадинаи мунавварадаги саҳобаларнинг қабрларини ҳам оёқости қилишган. Ҳолбуки, Расулulloҳ соллаллоҳу алайҳи васаллам: **“Мен сизларни қабрлар зиёратидан қайтарган эдим. Энди уни зиёрат қилаверинглар. Зеро, у сизларга охиратни эслатади”**, деганлар (*Имом Муслим, Имом Аҳмад ривояти*).

❗ Сохта салафийлар тасаввуфни тан олишмайди, тавассулни куфр дейди, мазҳабларни инкор қилади, ўзларига эргашмаганларни ҳам кофирга чиқаришади;

❗ Улар жамиятни иккига: “мусулмон” ва “динсизлар” га ажратишади. Бу билан бошқа диндагиларни душман санаб, динлараро адоват уйғотишга уринади. Улар нафақат бошқа дин вакилларига, балки ша-

рият ҳукмларини улар ўйлагандек тўлиқ бажармаётган мусулмонларга nisbatan ҳам зўравонлик сиёсати олиб боради;

❗ Мусулмон уммати кўп асрлардан буён адо этадиган мавлид, қабристонларни зиёрат қилиш каби яхши одатларни сохта салафийлар бидъат санайди. Шунингдек, улар азалдан урфда бўлган миллий қадриятлар, маърифий анаъналарни оёқости қилиб, куй-наволар тинглашни ҳаромга чиқарадилар.



Таъкидлаш жоизки, мана шундай ноқонуний ташкилотлар ва жамоалар фаолиятида фаол қатнашиш Ўзбекистон Республикаси Жиноят Кодексининг 216-моддасига асосан жиноий жавобгарликка асос бўлади.



НОТЎҒРИ ТАЛҚИН ҚИЛИНАЁТГАН ИСЛОМИЙ ТУШУНЧАЛАР

Такфир — мўмин кишини асосиз сабаблар билан кофирга чиқариш демакдир. Унинг хатари ҳақида ҳадисда: “Агар киши биродарига “Эй кофир”, деса, у (сўз) иккисидан бирига қайтади” дейилган.

Ҳижрат — бир жойдан иккинчи жойга кўчиш маъносини англатиб, истилоҳда, Расулуллоҳ соллаллоҳу алайҳи васаллам бошчилигида мусулмонларнинг Мадинага кўчиб ўтишларига айтилади. Расулуллоҳ соллаллоҳу алайҳи васаллам даврларида ҳижрат қилиш – мусулмонларнинг молига ва жонига хавф-хатар етганидан сўнг мажбурлик ва зарурият юзасидан вужудга келган.

Шунинг учун ҳам Макка фатҳ этилганидан сўнг ҳижрат қилиш бекор қилинган. Ҳадисда: “**Ҳижратнинг энг афзали – Роббинг ёмон кўрган нарсани тарк этмоғингдир**”, дейилади.

Жиход — Аллоҳ йўлидаги жиҳод дейилганида фақат жанг майдонида бўладиган жиҳоднинг ўзигина назарда тутилмайди. Хусусан бизнинг асримизда магар четдан бостириб кирган ёвдан Ватанни ҳимоя қилиш учун бўладиган жиҳоддан бошқа барча жанг майдонларидаги “жиходлар” фақат мусулмонларни қириш, Исломни ёмон отлик қилиш учунгина “хизмат” қилмоқда.

Шаҳидлик — Дини, жони, моли, оила аҳли ҳимояси йўлида ўлдирилган киши шаҳид дейилади. Фитнага аралашиб ўлган одам ҳеч қачон шаҳид саналмайди.

Ҳадисда: “Ким номаълум байроқ остида жанг қилса ва бу йўлда ўлдирилса бас у жоҳилият ўлимини топибди”, дейилган.

Мазҳабсизликнинг шаръий хатари: Аллоҳ таъоло Қуръонда: “Агар билмасангиз зикр аҳлидан сўранг!” деб буюрган. Шундан келиб чиқиб уламолар Ислом оламидаги тўртта мазҳабдан бирига тақлид қилиш вожиб эканини таъкидлаганлар. Бемазҳаблик билан эса киши ўз динини хатарга қўйган саналади. Чунки уламоларимиз: «Бемазҳаблик динсизлик сари кўприқдир!» деганлар.



БИЛИМСИЗЛИКНИНГ ШИФОСИ САВОЛ, АГАР БИЛМАСАНГИЗ СЎРАНГ!

Ўзбекистон мусулмонлари идораси томонидан юртдошларимизнинг диний масалалардаги саволларига жавоб бериш мақсадида **Колл-марказ** тизими йўлга қўйилди. Эндиликда сиз **(78) 150-33-44 телефон** рақами орқали малакали мутахассислардан жавоб олишингиз мумкин.

Шунингдек, **savollar.muslim.uz** ва **Fatvo.uz** веб-саҳифалари ҳамда **@SavollarMuslimUzBot** телеграм каналига ҳам саволларингизни жўнатишингиз мумкин. Аёл-қизларга хос масалаларни Телеграмдаги **@muminalaruzb** номли канал орқали олишни тавсия этамиз.

Расмий сайт ва ижтимоий тармоқлар

Сайт номи	Телеграм	Телеграм
muslim.uz	@muslimuzportal	@AhliSunnaVaUamoaUz
islom.uz	@islomuz_kanal	@sof_talimotlar
religions.uz	@DinQumita	@abu_hanufa_uz
fatvo.uz	@diniysavollar	@shoshhanafiy
hidoyat.uz	@HidoyatUz	@ahli_sunna_wal_jamaa
fitrat.uz	@fitratuz	@ahnafuz
alberuniy.uz	@alberuniyuz	@imom_buxoriy_uz
nasafziyo.uz	@nasafziyo	@hidoyat_yuli
paziylet.uz	@paziyletuz	@MoturidiyAhliSunnaMaktabi



Жаҳолатга
қарши маърифат
йўналишидаги
маълумотлар базаси

Ўзбекистон мусулмонлари идораси
«Шамсуддинхон Бобохонов» НМИУ